

生帝之曰此將相之器也更始立歸漢中王劉嘉
嘉使尉光武徇河北持嘉書北渡河及光武於鉅
人因鄧禹得召見署破虜將軍及至信都以爲偏
將軍及拔邯鄲遷都護將軍從擊青犢於射犬復
被羽先登所向皆靡又與五校戰於真定大破之
復傷創甚光武大驚曰我知賈復輕敵今果失吾
名將聞其婦有孕生女耶我子娶之生男耶我女

嫁之不令其憂妻子也復病尋愈及卽位拜爲執
金吾封冠軍侯建武二年益封穰朝陽二縣明年
春遷左將軍擊赤眉於新城澠池間連破之與帝
會宜陽降赤眉十三年定封膠東侯三十一年薨
諡曰剛侯曾孫宗有傳

岑

彭字君然南陽棘陽人王莽時爲本縣守長漢

兵攻拔棘陽奔前隊大夫甄阜阜死彭被創亡歸
宛與前隊貳嚴說舉城降封歸德侯拜爲潁川太
守光武卽位拜廷尉行大將軍事與大司馬吳漢

建議大將軍朱祐等圍洛陽說朱鮪降建武二年
擊荊州下簞葉等十餘城遷征南大將軍復遣朱
祐賈復及建威大將軍耿弇等與彭并力討鄧奉
擊堵鄉從追鄧奉于小長安大破之南擊秦豐候
賈鄗更封爲舞陰侯又與傅俊南擊田戎戎敗亡
入蜀彭留威虜將軍馮駿軍江州都尉田鴻軍夷
陵領軍李元軍夷道自引兵還屯津鄉當荊州要
會諸蠻降於是江南始流通焉八年引兵從車
駕破天水與吳漢圍隗囂於西城九年公孫述遣

其將任滿田戎程汎將數萬人下江關擊破馮駿
及田鴻李元等遂拔夷道夷陵據荆門彭數攻之
不利於是裝直進樓船冒突露橈數千艘十一年
春與吳漢劉隆臧宮劉歆發南陽武陵南郡兵又
發桂陽零陵長沙委輸棹卒凡六萬餘人騎五千
匹皆會于荆門大破蜀兵田戎亡保江州彭長
入江關攻破平曲徑拔武陽使精騎馳廣都去
彭數十里公孫述驚曰是何神也乃遣客詐爲
彭降夜刺殺彭諡曰壯懷

馬成字君遷南陽棘陽人少爲縣吏世祖爲鎮

以成爲安集掾調邾令及世祖討河北棄官從征
後建武四年拜揚武將軍督誅虜將軍劉隆振威
將軍朱登發會稽丹陽九江六安四郡兵擊李憲
圍於舒守之歲餘至六年春城中食盡乃攻之遂
屠舒斬李憲盡平江淮地七年封平舒侯八年從
征破隗囂以成爲天水太守將軍如故冬徵還京
師九年代來歙守中郎將率武威將軍劉尚等破
河池遂平武都明年李通罷以成行大司空事數

尉復拜揚武將軍十四年屯常山中山以備北邊
在事五六年帝以成勤勞徵還京師二十七年定
封全椒侯就國三十二年薨子衛嗣

桂

茂字諸公南陽冠軍人初歸光武於河北爲中

將軍常從征伐世祖卽位拜大將軍封樂鄉侯

建武二年更封苦陘侯與中郎將王梁擊五校於

苦陘何進都悉平三軍清靜道路流通明年拜

大將軍擊赤眉五年春率捕虜將軍馬

援擊赤眉於宜陽大破之

東平盧芳歷門守定封參議鄉侯十九年薨

丹字少卿南陽穰人父稚成帝時爲廬江太守

有清名丹七歲孤事後母孝母哀之爲鬻衣裳置

產業更始二年徵爲諫議大夫更始敗諸將悉歸

光武丹獨保平氏不下爲更始發喪哀經盡哀已

潛逃去歸鄉里太守杜詩請爲功曹丹薦鄉人長

者自代而去十三年大司馬吳漢辟舉高第遷

州牧有清平稱轉使匈奴中郎將遷左馮翊永平
三年代李訢爲司徒在朝廉直公正與侯霸杜林
張湛郭伋齊名年八十七卒於家

蔡少公穰人素學圖讖王莽末嘗與衆譏語言劉秀
當爲天子或曰是國師公劉秀乎光武戲曰何意
知非僕邪

宗字武孺少有操行多智畧初拜郎中建初中
爲朔方太守舊內郡徙人在邊者率多貧弱爲是
人所僕役不得爲吏宗擢用其能任職者與邊

參選或以功次補長吏故各願盡死匈奴畏之不
敢入塞徵爲長水校尉宗兼通儒術每讌見常使
與少府丁鴻等議論於前章和二年卒子參嗣參
卒子建嗣建尙臨潁長公主時鄧太后臨朝光寵
最盛以建爲侍郎順帝時爲光祿寺

岑 熙彭曾孫也襲封細陽侯少爲侍中朝廷多稱
其能遷魏郡太守招聘隱逸與參政事無爲而化
輿人歌之

岑 旺字公孝南陽棘陽人少詣太學受業李膺王

暢稱其有幹國器太守宏農成瑨下車聞珪高名
請爲功曹嘗委心于珪褒善糾違肅清朝府

張伯慎穰人少有名譽累登公卿與司徒王允謀共
誅董卓

艾字士則南陽棘陽人素知兵每見高山大澤

輒指畫軍營處所時人多笑之爲魏典農網紀云

馬宜王辟爲掾遷尙書郎時欲廣儲蓄爲軍資

宜開河渠溉田積穀又通漕運著濟河論又以

青破黃巾因屯田許都以制四方今三隅已定

在淮南陳蔡之間上下田良可省許昌左右諸稻田并水東下令淮北屯二萬人淮南三萬人且田且守六七年間可積十萬衆五年之食以此乘吳無不克矣宣王善之出叅征西軍事遷南安太守嘉平元年與蜀將姜維拒白水又知維必襲洮城遂乘夜先至據城得不敗賜關內侯及姜維駐鍾提乃以艾爲安西將軍假節領護東羌校尉與維戰于段谷大破之甘露元年進封鄧侯二年拒姜維於長城遷征西將軍景元三年又破維於侯和

四年秋詔諸軍征蜀艾自陰平道行無人之地七
百餘里裹毡入蜀後主遂降

朝蔡那南陽冠軍人家素富善接待賓客客至無多
少皆資給之爲郡縣所優異仕劉宋爲建安王休
仁司徒中兵叅軍南討以功封平陽縣侯加寧朔
將軍泰豫元年卒諡曰平侯

張敬兒南陽冠軍人年少便巧馬有膽氣補府將隨
同郡人劉胡領軍伐襄陽諸山蠻深入險阻所向
皆破宋泰始初除寧朔將軍討義嘉賊事平爲南

州時城中衆不滿五千人食纔支半歲道恭
魏不能克將退會道恭疾篤乃呼兄子僧
弟靈思及諸將帥當以死固節衆皆流涕

劉 胡南陽涅陽人劉宋元嘉二十八年爲振武將軍

討就溪蠻大破之孝建元年朱修之爲
胡爲西外兵參軍寧朔將軍建昌太守
功除建武將軍東平陽平二郡太守

劉之遴字思貞南陽涅陽人八歲能屬文十五舉
才辟爲太學博士篤學明審博覽群籍後爲太府

卿都官尙書太常卿時鄱陽嗣王範得班固漢書
真本獻之東宮皇太子令之遴與張纘到溉陸襄
等叅校同異之遴具異狀十事是時周易尙書禮
記毛詩並有梁高祖義疏惟左氏傳尙闕之遴乃
著春秋大義十科左氏十科三傳同異十科前後
文集五十卷行於世

劉之亨字嘉會之遴弟也少有令名舉秀才拜太學
博士代兄之遴爲湘東王長史南郡太守有異績
卒於官荆土不忍斥其名號爲大南郡小南郡云

劉仲威南陽涅陽人祖糾齊世以國子博士徵不就
父之遴先爲荊州治中從事仲威少有志氣頗涉
文史梁承聖中爲中書侍郎蕭莊僞署御史中丞
隨莊入齊終於鄴中從弟廣德亦好學負才任氣
承聖中以軍官至給事黃門侍郎湘東太守荊州
陷後依於王琳尋爲太尉侯瑱湘州府司馬歷樂
山豫章二郡太守新安內史光大中假節員外散
騎常侍雲旗將軍河東太守卒於郡

岑善方字思義棘陽人清寔有器局博綜經史仕梁

岑爲散騎常侍所著有文集七卷七子皆有操行
岑之敬南陽棘陽人五歲通孝經每焚香獨坐親戚
歎異之十六擢高第仕梁爲壽光學士累遷征南
諮議叅軍博涉文史雅有詞筆以篤行稱

詹岑文本字景仁棘陽人祖善方後梁吏部尙書徙家
江陵父之象仕隋爲邯鄲令坐爲人訟不得申文
本年十四詣司隸理寃辨對哀暢無所詘衆屬目
命作蓮華賦文成合臺嗟賞遂得直文本性沈敏
有姿儀善文辭多所貫綜貞觀初除祕書郎奏籍